

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)
Angenette Figueroa (closer editor)
Leo Maduro
Andreina Morillo
Raisa Montilla
Oriana Geerman

Ehecutivo di Benta

Sulaika Croes
sulaika.croes@cspnv.com
Mark Gomes
mark.gomes@cspnv.com

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.

Eleccion 2024: Loke ta importante pa e votador sa



Na algo mas cu un luna pa yega na eleccion parlamentario na Aruba, dia 6 di december, ta importante pa e votador en general ta bon informa unda nos comunidad ta para den tur sentido y aspecto. Pa cumpli cu e tarea ey, como medio di comunicacion, Bon Dia Aruba lo publica den e proximo tempo un serie di articulo cubriendo tur e diferente aspectonan di interes, cuminzando awe cu un panorama general di e situacion actual, pa despues trata un gama extenso di topico encunto economia, maneho fiscal y financiero, poblacion y desaroyo demografico, legislacion, maneho di aparato publico, salud, labor, etc.

Unda Aruba ta awe cu poblacion Actualmente tin un poblacion di 107.747 habitante oficialmente registra (cifra CBS juni 2024). Poblacion a conoce su punto culminante na 2019 (109.203), a conoce una caida a causa di e pandemia na 2020, y despues gradualmente ta creciendo atrobe, principalmente via inmigracion di hende di exterior.

Esaki pa dos motibo: sigur den ultimo decada tin anualmente mas ciudadano Hulandes naci na Aruba ta emigra cu tin un grupo cu ta bolbe aki. E otro tendencia demografico importante ta cu den ultimo decada e cantidad di nacemento a disminui drasticamente, mientras cantidad di fayecimento a aumenta gradualmente. Na 2023 esaki a significa cu tabatin un crecimiento natural

di solamente 42 (856 nacemento vs 814 fayecimento) y te juni 2024 a registra 354 nacemento y 415 fayecimento, un claro indicacion di crecimiento natural negativo. Di otro banda, inmigracion di persona di exterior como hende naci na Aruba ta percura pa e crecimiento actual di poblacion. Esaki ta dato importante cu lo bolbe ora ta trata tema economico, laboral, etc.

Economia
Despues di e pandemia di 2020/2021 Aruba a conoce un recuperacion rapido, cu a conduci na un situacion unda a surpasa e nivel pre-pandemia caba. Segun cifra di Banco Central di Aruba (CBA, Annual Statistic Digest 2023) economia a surpasa nivel di 2019 (PIB nominal Afl. 6078 miyon) cu un Producto Interno Bruto (PIB; GDP) di Afl. 6.531 miyon). Pa 2024 gobierno ta anticipa (den reportahe financiero I-2024) un PIB nominal di Afl. 7408 miyon.

CBA den su ultimo Economic Outlook (aug. 2024) ta proyecta un crecimiento nominal (PIB) na 2024 di 10% (compara cu 2023) di Afl. 7.184 miyon. Pa 2025 CBA ta pronostica un crecimiento nominal di 2,1%. Crecimiento real di PIB lo ta 6,1% na 2024 y 1,0% na 2025. E crecimiento modera na 2025 (y den e siguiente añanan) ta indica cu e recuperacion, y expansion, di principalmente turismo despues di e pandemia a culmina. Esaki tin efecto tambe den e sectornan cu ta depende di turismo, cu ta un parti grandi di nos economia. Nos lo bay mas den detaye den e serie di



articulo anuncia, unda nos lo dedica atencion special na turismo y su efecto riba economia en general.

Mercado laboral
Mercado laboral ta keda un desafio; e unico instancia cu tin cifra di empleado registra cada luna ta SVb. Dia 1 di november 2024 SVb tabatin registra 45.965 empleo, y 43.688 trahador. Un año antes, november 2023, tabatin 43.679 cupo di trabao y 41.870 trahador registra, un aumento di 2.286 empleo y 1.818 trahador.

Un otro imagen nos ta haya di e datonan di Departamento di Labor. E unico encuesta laboral anual ta duna pa november 2023 un total di 54.523 persona emplea. Na 2022 e cifra tabata 52.053 empleado. E disparidad entre e cifranan aki ta yama pregunta, cu nos lo atende den un otro edicion, hunto cu e tema di e 20.000 persona indocumenta, cu ta influencia mercado laboral. Tambe tin banda di e aumento grandi di empleo, un problema serio ainda di escasez di trahador.

Posicion financiero gubernamental
Pais Aruba ta den un programa a largo plazo pa saña situacion financiero di gobernacion. Esaki bao di e supervision financiero imponi pa Reino Hulandes, cu mester resulta, como obhectivo acorda, den un debe total compara cu PIB cu no ta

surpasa 70%, na año 2027.

Na final di trimestre 1-2024 debe total di Pais Aruba tabata Afl. 5439,1 miyon; cu un PIB preliminar di Afl. 7.408 miyon, esey ta duna un correlacion debe/PIB di 73,4%. Esey ta muestra cu Aruba ta riba bon caminda, aunke tin algun aspecto cu mester tuma na cuenta. Uno ta cu e ruta pa reduci debe den e proximo añanan lo ta mas dificil, pasobra e crecimiento economico lo ta considerablemente menos cu na 2023 y 2024. Entre 2024 y 2029 gobierno ta proyecta un aumento total di entrada gubernamental di Afl. 178 miyon, un promedio di Afl. 35,6 miyon pa año (mira: resumen CAft den conseho presupuesto 2025). E aumento modesto di entrada den e proximo añanan lo exige di cualkier gobierno bon maneho di gasto, ya cu no por financia aumento di gasto for di aumento di entrada.

Nota: E cambio grandi den entrada gubernamental a bin na 2023, unda a registra un aumento di Afl. 408 miyon na entrada total, mientras Afl. 324 miyon a bin di aumento di impuesto (cifra CBA, Annual Statistical Digest 2023). Un parti grandi di esaki ta bin di e aumento di BBO/BAZV, di 6 pa 7% plus introduccion di BBO/BAZV na frontera. E tema aki tambe lo haya mas profundizacion den un edicion special encunto impuesto.




Table 1: Growth of real GDP and its components 2023 – 2025 (in percent)			
Indicator	2023 e	2024 f	2025 f
Current outlook			
GDP	4.3	6.1	1.0
Consumption	-0.5	0.9	0.5
Private consumption	0.8	1.4	1.1
Public consumption	-4.2	-0.6	-1.3
Investment	10.1	17.6	-8.7
Private investment	10.1	14.3	-8.0
Public investment	6.3	346.3	-25.8
Exports	6.6	7.1	2.2
Tourism exports	6.7	8.3	2.1
Non-tourism exports	6.4	3.1	2.6
Imports	3.4	5.3	-1.2

Source: CBA

e = estimate, f = forecast